



Bosnia and Herzegovina
STATISTICAL COUNCIL OF
BOSNIA AND HERZEGOVINA

Broj:11-07-3-40-4/18
Sarajevo, 11.06.2018. godine

ZAPISNIK

sa 5. sjednice Vijeća za statistiku BiH

Dana 07.06.2018. godine sa početkom u 12:30 sati u prostorijama Agencije za statistiku Bosne i Hercegovine, održana je 5. sjednica Vijeća za statistiku BiH.

Sastanku su prisustvovali članovi Vijeća za statistiku BiH:

Gospodin Velimir Jukić, direktor Agencije za statistiku BiH,

član Vijeća za statistiku Bosne i Hercegovine;

Gospodin Fadil Fatić, zamjenik direktora Agencije za statistiku BiH,

član Vijeća za statistiku Bosne i Hercegovine;

Gospodin Amir Hadžiomerađić, Centralna banka BiH,

član Vijeća za statistiku Bosne i Hercegovine;

Gospodin Sahrudin Sarajčić,

član Vijeća za statistiku Bosne i Hercegovine;

Gospođa Senija Fačić, rukovodilac podružnice Brčko distrikta BiH,

članica Vijeća za statistiku Bosne i Hercegovine;

Gospodin Boris Raić, Ministarstvo finansija i trezora BiH,

član Vijeća za statistiku Bosne i Hercegovine.

Odsutni su bili: gosp. Emir Kremić, direktor Federalnog zavoda za statistiku FBiH, gosp. Jasmin Komić, direktor Republičkog zavoda za statistiku RS, gosp. Miljan Popić, zamjenik direktora Agencije za statistiku BiH i gđa Mira Vujeva.

Sjednici su prisustvovali gosp. Enes Hadžiefendić (BHAS) i gosp. Hajrudin Alić (FZS).

Tačke dnevnog reda:

1. Usvajanje zapisnika sa 4. sjednice
2. Informacija o realizaciji zaključaka sa prethodnih sjednica Vijeća za statistiku BiH
3. Informacija o realizaciji Plana rada Agencije za statistiku BiH za 2018.godinu
4. Razno

Predsjedavajući Vijeća gosp. Sarajčić pozdravio je prisutne i utvrdio postojanje kvoruma. Dnevni red je jednoglasno usvojen.

Ad 1. Predloženi zapisnik sa 4. sjednice jednoglasno je usvojen od strane prisutnih članova.

Ad 2. Gosp. Jukić se osvrnuo na dosadašnji rad i zaključke sa prethodnih sjednica, te još jednom istaknuo i obavijestio članove Vijeća o nepromijenjenom stanju oko neusvajanja planskih dokumenta Agencije od strane Vijeća ministara BiH.

Ad 3. Vezano za ispunjavanje i dinamiku realizacije Plana rada, gosp. Hadžiefendić informisao je prisutne kako se sve aktivnosti koje su predviđene izvršavaju po planu. On je takođe ponovio postojanje problema vezano za status plansko-programskih dokumenata Agencije i naglasio da Agencija za statistiku BiH uskoro ulazi u treću godinu rada bez zvanično usvojenih plansko-programskih dokumenata od strane Vijeća ministara Bosne i Hercegovine.

Naime, Vijeće ministara BiH je do sada, čak u trinaest (13) najava svojih sjednica (78, 88, 90, 92, 96, 98, 104, 111, 116, 118, 125, 140. i 142) u dnevni red uvrstilo razmatranje ovih plansko-programskih dokumenata Agencije.

Riječ je o: Statističkom programu BiH za period 2017-2020. godine i Programu rada Agencije za 2017. i 2018. godinu, Planu rada Agencije za statistiku za 2017. i 2018. godinu i Izvještajima o radu za 2016. i 2017. godinu. Bitna je činjenica, da je isti saziv Vijeća ministara BiH već usvajao Planove rada Agencije za 2015. i 2016. godinu, bez da je tražilo mišljenje na iste Vijeća za statistiku BiH.

Agencija za statistiku BiH je iz ovih razloga već uputila zvanični dopis na ruke predsjedavajućem Vijeća ministara BiH, gosp. Zvizdiću (16. oktobra 2017. godine). U ovom dopisu između ostalog, predsjedavajući je upoznat o statusu i samom značaju planskog-programskih dokumenata u daljem razvoju koji je procijenjen na osnovu potreba domaćih i međunarodnih korisnika statističkih podataka, ali i zadataka koje pred statistiku BiH postavlja očekivano pridruživanje EU-i. Sadržaji plansko-programskih dokumenata Agencije u znatnom dijelu su određeni strateškim ciljem Bosne i Hercegovine, ulaskom u Evropsku uniju, što pretpostavlja ubrzavanje procesa harmonizacije statističkog sistema Bosne i Hercegovine sa statistikom članica EU-e.

Kada je riječ o statusu Plana rada Agencije za statistiku BiH za 2018. godinu, bitne su sljedeće činjenice:

1. Vijeće za statistiku BiH na svojoj 4. sjednici održanoj 14.02. 2018. godine dalo je pozitivno mišljenje na tekst Plana rada Agencije za 2018. godinu;
2. Obavljene su javne konsultacije o nacrtu Plana rada putem web aplikacije eKonsultacije u vremenu od 06.02. do 21.02. 2018. godine (na isti nije bilo primjedbi niti prijedloga);
3. Nacrt Plana rada je nakon dostavljanja na mišljenje Ministarstvu civilnih poslova BiH i Ministarstvu za ljudska prava i izbjeglice BiH (26.02.2018. godine) usaglašen i dato je pojašnjenje na jednu sugestiju koju je imalo Ministarstvo civilnih poslova BiH;
4. Nacrt Plana rada i prijedlog Odluke o usvajanju Plana rada Agencije za 2018. godinu je dobio pozitivno mišljenje Ureda za zakonodavstvo - 21.03.2018. godine, Direkcije za evropske integracije - 09.03.2018. godine, Ministarstva pravde BiH - 20.03.2018. godine, Ministarstva finansija i trezora BiH - 05.04.2018. godine;
5. Generalni sekretarijat VM je svojim dopisom od 23.04.2018. godine izvjestio Agenciju da su ispoštovane sve procedure, kao i potrebna popratna dokumentacija u vezi Plana rada;
6. Odbor za unutrašnju politiku nije imao primjedbi na Nacrt Plana rada i prijedlog Odluke o usvajanju Plana rada Agencije za 2018. godinu (sjednica održana 15.05.2018. godine);

7. Vijeće ministara je u najavi 142. sjednice (održana 15.05.2018. godine) uvrstilo u dnevni red pod tačkom 31. Nacrt Plana rada i prijedlog Odluke o usvajanju Plana rada Agencije za 2018. godinu, međutim ista je skinuta sa dnevnog reda bez ikakvog zvaničnog saopćenja u zaključcima sa sjednice.

Detaljna Informacija o statusu plansko-programskih dokumenata Agencije za statistiku Bosne i Hercegovine je u prilogu ovog zapisnika i čini njegov sastavni dio.

O ovom problemu svi prisutni su diskutovali, te je zaključeno da će, u koliko se procjeni da postoji potreba za održavanjem sastanka sa predstavnicima *Međunarodnog monetarnog fonda (MMF)* vezano za gore iznesenu problematiku, direktor Agencije o istom obavijestiti Vijeće za statistiku BiH.

Takođe je zaključeno da se plansko-programski dokumenti Agencije za statistiku Bosne i Hercegovine objave na web stranici Agencije uz napomenu da su u proceduri.

Ad 4. Vezano za aktivnosti na Nomenklaturi statističkih teritorijalnih jedinica (NUTS 3) gosp. Jukić je obavijestio prisutne da su određene aktivnosti na nivou entiteta poduzete i da ima pomaka te da će uskoro imati više informacija i konkretnih podataka koje će predložiti Vijeću za statistiku BiH.

Kada je riječ o Okviru uzorka, radne grupe uz pomoć vanjskog eksperta intenzivno rade, a uskoro će se održati sastanak direktora tri statističke institucije te će biti poznati konkretniji rezultati rada.

Na ovom sastanku takođe će se raspravljati o Popisu poljoprivrede. Informacija o pripremama popisa poljoprivrede sa prijedlogom zaključka koji treba da usvoji Vijeće ministara BiH je u proceduri, a odnosi se na dosadašnje poduzete aktivnosti i prijedloge o nastavku i intenzitetu rada na ovom izuzetno važnom projektu za BiH.

Gosp. Alić je istakao problem moratorija na zapošljavanje koji još uvijek traje, a uveliko otežava rad jer je sve je više novih aktivnosti i obaveza koje je potrebno izvršavati, a veliki broj zaposlenika odlazi u penziju i konstantno se smanjuje broj radno sposobnih.

Predsjedavajući Vijeća gosp. Sarajčić je konstatovao da su ove informacije primljene k znanju i da se treba poduzeti sve što je u ingerenciji Vijeća da se pomogne u rješavanju svih problema koji su izneseni, posebno ovih koji se odnose na usvajanje planskih dokumenata od strane Vijeća ministara BiH.

Sjednica je završena u 13 sati.

Zapisnik sastavila:

Sekretar Vijeća za statistiku BiH

Anida Fazlić-Hadžić



Predsjedavajući Vijeća za statistiku BiH



Sahrudin Sarajčić